

Cuater experto a yega Aruba for di Hulanda, pa yuda den e caso di Natalee Holloway

ORANJESTAD(AAN): Den un comunicado manda na tur medio di comunicacion, Ministerio Publico ta informa cu riba Diabierna 22 di Juli cuatro experto a yega Aruba for di Hulanda, pa duna nan contribucion na e investigacion den e caso di desaparicion di Natalee Holloway.

Dos di e expertonan aki lo asisti e miembronan di e team di investigacion cu e interrogacion, mientras cu un di tres experto ta un coordinador tactico cu a bin

pa coordina.

E di cuater persona ta un experto dene ramo di comportacion.

E persona aki ya caba tabata na Aruba den comienzo di e investigacion y awor e ta back pa sigui yuda cu su experticio.

E comunicado ta sigui bisa cu Diadomingo 24 di Juli 2005 fiscal mr Flanegin hunto cu un trahador huridico di Ministerio Publico y un miembro di e team di investigacion a biaha pa oficina di FBI na Quantico,

Virginia na unda nan lo keda un siman.

Durante e siman aki lo intercambia di e idea cu e miembronan di FBI over di e caso.

Desde comienzo di e investigacion, FBI a ofrece nan experticio pa soluciona e caso aki, mas pronto cu ta posibel.

Mescos cu team investigativo

ta hasi uso di experticio Hulandes, durante di e viahe aki lo haci uso di experticio di FBI.

E fiscal a hiba material di e investigacion pa asina por intercambia di idea y pensamentonan cu miembronan di FBI.

Relaciona cu e cabey haya riba un pida "Duct Tape" e comunicado ta bisa cu e

resultadonan di e investigacion di e instituto Forensico di Hulanda no ta conoci ainda.

Ora cu esaki ta e caso, e fiscal ta dicidi si lo haci e resultadonan publico.

Den pasado Fiscal mayor sra Janssen a duna di conoce cu no por duna informacion specifico na prensa, relaciona cu e investigacion tecnico.